

Region › JAHIĆ: NISAM SOROŠEV INSTRUKTOR

REGION

JAHIĆ: NISAM SOROŠEV INSTRUKTOR

Glavni i odgovorni urednik Centra za istraživačko novinarstvo Srbije /CINS/ Dino Jahić uputio je demanti u kome tvrdi da je Srna u tekstu pod naslovom "Infosrpska: Prljavi poslovi Soroševog instruktora" koji je objavljen 21. avgusta iznijela, kako kaže, niz neistina o njemu i ovom centru.

Od Infosrpska - 06/09/2018



Foto: [printscreens](#)

Jahić je naveo da je “jedino što je tačno navedeno u tekstu njegovo ime”.

“Laž je da sam Sorošev instruktor, da se bavim ‘prljavim poslovima’ i da raspolažemo ogromnim sredstvima ili da rušimo vlast bilo gdje. Pomiješali ste organizacije iz dvije države navodeći: ‘Centar za istraživačko novinarstvo Srbija, BiH i tako dalje’. Centar za istraživačko novinarstvo Srbije /CINS/ sa sjedištem u Beogradu, čiji sam glavni i odgovorni urednik, nije isto što i Centar za istraživačko novinarstvo /CIN/ iz Sarajeva, u kome sam radio pet godina kao novinar i zamjenik urednika”, naveo je Jahić u demantiju upućenom Srni.

On je naveo da je još jedna od, kako kaže, laži u tekstu da ga je Soroš Fondacija od 2017. godine postavila za “koordinatora istraživačkog projekta Centra za istraživanje organizovanog kriminala i korupcije u jugoistočnoj Evropi”, i da nikada nije bio koordinator u ime “Soroš Fondacije” niti ga ona postavila na neku takvu poziciju.

IZVOR

SRNA